

Kontektim Bisnis

Askim na bekim

Mipela i save olsem long taim bilong stretim ol toktok we ino steret, bai ol planti ol askim bai i kamap. Dispela pepa i traim long bungim olgeta kain ol askim we i save kamap planti taim na ol bekim bilong ol wantaim bilong kam bek na lukluk gen sapos dispela ol askim i kamap. Sapos ol askim ino gat bekim long hia, dispela ol askim i ken surukim igo long dispela imel edres: CostaBerryEA@costagroup.com.au

Wanem samting em Bisnis Wanbel na Tok Orait?

Bisnis Wanbel na Tok Orait em wanpela wanbel na tok orait toktok i stap long pepa we i sowim steret stat mak bilong wanem ol woklain bai inap long kisim long sait bilong pei na ol arapela halivim insait long wokples ol inap long kisim olsem woklain bilong dispela oganaisesen o kampani.

I gat sampela ol pepa ol i kolim 'Moden Awod' na dispela ol pepa i sowim kilia stat bilong moni mak na ol arapela halivim bilong wokples ol woklain inap long kisim insait long wokples taim ol mekim ol kain kain wok – Dispela kantri Austrelia igat 121 bilong dispela ol pepa. Long wanwan wok insait long wokples, iken igat pepa bilong em yet we i lukautim dispela wok (kain olsem wok bilong mekim ol pepa wok insait long ofis na kain olsem long wok outsait long ofis na holim na lukautim graun) olsem na oganaisesen o kampani i ken makim wanpela Bisnis Wanbel na Tok Orait Pepa tasol long karamapim na lukautim olgeta woklain na sotim wok bilong kisim bilong wanwan pepa bilong olgeta woklain insait long wokples. Pastaim tru long dispela Bisnis Wanbel na Tok Orait Pepa i bai kam aut na mekim wok bilong e, Fe Wok Komisen (Fair Work Commission) i save sekim na skelim na luskave olsem tru olsem:

- olgeta woklain bai i kisim na stap gut tru taim ol i kam aninit long dispela Bisnis Wanbel na Tok Orait Pepa we i karamapim olgeta woklain na ino dispela pepa we karamapim wanwan woklain stap aninit long Moden Awod.
- Olgeta stat pei moni bilong woklain Moden Awod i karamapim na tu ol dispela we i abrusim na go antap moa long wanem i stap aninit long Bisnis Wanbel na Tok Orait Pepa.
- Bikpela lo bilong kantri we i lukautim olgeta woklain i banisim dispela Bisnis Wanbel na Tok Orait tu.

Bilong wanem mipela mas i gat wanpela bilong dispela?

Dispela wanbel na tok orait we nau i stap long en kam klostu kam long arere na pinis bilong em long 30 jun, 2023 na taim bilong makim niupela gen. Mipela nid long stat long lukluk go gen long dispela wanbel na tok orait we nau stap long en na luksave long wanem ol samting mipela laik bai i stap yet, wanem ol samting bai i mas senis, wanem ol niupla samting mipela bai putim go insait o rausim na rere long narapela wanbel na tok orait.

Pasin bilong toktok igo ikam na wanbel wantaim long kisim samting i save kamap olsem wanem?

Pasin bilong toktok igo ikam na wanbel long kisim samting i save kamap taim wanpela o moa woklain na oganaisesen o kampani save toktok igo ikam na kamap wantaim wanpela tingting long wanem ol samting mas istap insait long dispela wanbel na tok orait. Tupela wantaim i save mekim wok bisnis.

Long taim bilong toktok igo ikam long kisim samting, bai igat ol lain long makim maus na laik bilong Costa Berries bisnis na ol woklain husait stap aninit long dispela wanbel na tok orait.

Bai igat ol lain makim sait bilong union tu i stap insait long dispela hap taim. Long wanem hap wei Costa Berries isave mekim wok wantaim long en, bai i gat ol lain wei ol makim long makim maus bilong ol woklain bilong dispela hap. Ol dispela wokman i save bung wantaim ol wokman bilong ol dispela wokmanmeri – ol bai kisim ol bekim bilong ol wokman bilong ol long bungim ol wokman long wokbung, na ol bai tokim ol wokman long ol toktok long ol miting long ol miting bilong ol bung.

Bihain long sampela miting bilong toktok igo ikam long kisim samting, wantaim tingting bilong olgeta lain stap insait long dispela toktok igo ikam, bai niupela wanbel na tokorait pepa bai kamap bilong olgeta long skelim. Long dispela hap taim, olgeta woklain bai igat sans long makim sapos ol wanbel long wanbel long wanen ol toktok i stap insait lo dispela wanbel na tok orait.

Sapos 51% makim olsem ol wanbel, dispela wanbel na tok orait pepa bai igo long Fe Wok Komisen (Fair Work Commission) long lukluk na skelim bilong ol long givim tok orait. Sapos Fe Wok Komisen i lukim na wanbel na tok dispela pepa i orait na pasim mak bilong gutpela na olgeta tes o ol save tok "better off overall test" (BOOT – sekim long arere), dispela wanbel na tok orait em bai kam inap olsem na wok bai stat long kamap wantaim dispela wanbel toktok na tok orait pepa.

Mi bai stap na mekim wanem samting tru insait long dispela taim?

Olgeta lain husait i stap aninit long dispela wanbel na tokorait wokabout i gat sans long long teik pat na luksave long wanem i stap nau na givim tingting long wanem bai i kamap bihain.

Insait long dispela taim bilong toktok igo ikam long kisim samting, Costa Berries na ol woklain bilong em bai igat sans long sowim ol tingting bilong ol yet igo ikam. Mipela i gat bikpela laik na tingting long kamapim wanpela wanbel na tok orait we bai inapim laik na tingting bilong olgeta lain we olgeta lain i mas wanbel na hamamas long en.

Dispela Bisnis Wanbel na Tok Orait em bilong husait?

Dispela Bisnis Wanbel na Tok Orait em orait stret long ol woklain stap insait long wok bilong holim na lukautim graun awod na mipela i stap insait tu long dispela

Bisnis Wanbel na Tok Orait plen. Sapos yu ino kilia gut sapos dispela em bai halivim yu o nogat, plis selim husait man o meri yu wok aninit long en.

Bai mi givim halivim bilong mi olsem wanem?

Taim ol makim ol lain husait bai makim maus na tingting bilong ol woklain pinis, ol infomesen kain olsem fon namba bai i stap ples kilia long yu ken toktok wantaim ol. Dispela ol lain bai yu ken toktok wantaim ol long givim tingting bilong yu.

Wankain tu, yu ken toktok wantaim ol lain long union husait bai stap insait tu long taim bilong toktok igo ikam long kisim samting.

Yu ken putim ol tingting bilong yu tu na salim pas ikam long dispela imel edres

CostaBerryEA@costagroup.com.au

“Better off overall test” (BOOT) em wanem samting?

Fe Wok Komisen (Fair Work Commission) em wanpela independent grup husait bai sekim na skelim pastaim bifo long dispela wanbel na tok orait bai kam long pinis bilong em.

Dispela Bisnis Wanbel na Tok Orait em kisim ples bilong wanem ol samting i mas i stap insait long Moden Awod we i karamapim wanwan ol lain. Dispela BOOT tes i stap long luksave olsem oganesen o kampani ino mekim nogut long ol woklain bilong em taim em givim luksave long aninit long dispela Moden Awod. Dispela BOOT test i lukluk long olgeta samting Moden Awod na Bisnis Wanbel na Tok Orait givim long em – em minim olsem olsem sampela samting bilong ol wanwan woklain bai luk olsem ino orait tumas taim ol kam aninit long Bisnis Wanbel na Tok Orait, na ol arapela bai orait tasol bikpla hap, em ol woklain mas kisim gutpela luksave na halivim.